

南  
北  
史  
合  
注

欽定四庫全書

南北史合注卷二

明 李清 撰

宋本紀中第二

南史二

太祖文皇帝諱義隆小字車兒武帝第三子晉義熙三年生於京口十一年封彭城縣公永初元年封宜都郡王位鎮西將軍荊州刺史加都督時年十四長七尺五寸博涉經史善隸書是歲來朝會武帝當聽訟仍遣王

訊建康獄囚辭斷稱旨武帝甚悅景平初有黑龍見西方五色雲隨之二年江陵城上有紫雲望氣者皆以爲帝王之符當在西方其年少帝廢百官議所立徐美之傳亮等以禎符所集備法駕奉迎入秦皇統行臺至江陵尚書令傳亮奉表進璽紱州府佐吏並稱臣諸題榜門一依官省王皆不許教州府國紀綱有所統內見刑是時司空徐美之等新有弑害及鑾駕西迎人懷疑懼唯長史王曇首司馬王華南蠻校尉到彦之共期朝臣

未有異志王曰諸公受遺不容背二且勞臣舊將內外  
充滿今兵力又足制物夫復何疑甲戌發江陵命王華  
知州府留鎮陝西令到彥之監襄陽車駕在道有黑龍  
躍負王所乘舟左右莫不失色王謂王曇首曰此乃夏  
禹所以受命我何德堪之及至都郡臣迎拜於新亭先  
謁初寧陵還次中堂百官奉璽綬冲讓未受勸請數四  
乃從之

元嘉元年秋八月丁酉皇帝即位于中堂備法駕入宮

御太極前殿大赦改元文武賜位二等戊戌拜太廟詔  
追復廬陵王先封奉迎靈樞辛丑謁臨川烈武王陵癸  
卯進司空徐羨之位司徒江州刺史王弘位司空尚書  
令傅亮左光祿大夫開府儀同三司甲辰追尊所生胡  
婕妤為章皇太后封皇弟義恭為江夏王義宣為竟陵  
王義季為衡陽王己酉減荆湘二州今年稅布之半九  
月丙子立妃袁氏為皇后是歲魏太武帝始光元年  
二年春正月丙寅司徒徐羨之尚書令傅亮奉表歸政

帝始親覽萬幾辛未祀南郊大赦秋八月甲申以關中  
流民出漢川置京兆扶風馮翊等郡乙酉驃騎將軍南  
徐州刺史彭城王義康以本號開府儀同三司改受司  
空王弘車騎大將軍開府儀同三司冬十一月庚午以  
武都世子楊玄為北秦州刺史襲封武都王是歲夏主  
赫連勃勃卒

按本史勃勃作屈丐屈丐乃魏明元帝所改名何得  
稱之南史今正之

三年春正月丙寅司徒徐美之尚書令傅亮有罪誅  
宋書載誅美之等詔曰徐美之傅亮謝晦等荷恩在  
昔超居要重卵翼而長未足以譬永初之季大明傾  
耀四海遇密寔受顧托任同負圖而不能竭其股肱  
盡其心力送往無復言之節事君缺忠貞之効匡救  
靡聞順成失德雖未因懼禍以建大策而逞其悖心  
不畏不義播遷之始謀肆醜毒至止未幾顯行怨殺  
顛沛阜隸之手告盡逆旅之館都鄙哀鄂行路飲涕

故廬陵王義真英秀明遠徽風夙播魯衛之寄朝野  
屬情美之等暴蔑求專忌賢畏逼造構貝錦成此無  
端罔主蒙上橫加流屏矯誣朝旨致茲禍害寄以國  
命剪為仇讐旬月之間再肆醜毒痛感三靈怨結人  
鬼昔子家從弑鄭人致討宋肥無辜蕩澤為殘况逆  
亂倍於往釁情痛深於國家此而可容孰不可忍即  
宜討殛告謝存亡而于時大事甫爾異同紛結匡國  
之勲實著莫大之罪未彰是以遠酌民心近聽輿訟



雖欲討亂慮或難啗故忍戚含哀懷耻累載每念人生實難情事未展何嘗不顧影痛心伏枕泣血今逆臣之繁章暴遐邇君子悲情義徒思憤家仇國耻可得而雪便命司寇肅明典刑悔據有上流或不改罪朕當親率六師為其過防可遣中軍到彥之即日電發征北將軍檀道濟繹絡繼路以時牧剪已命征北將軍劉粹斷其走伏罪止元凶餘無所問感懷永往心情崩絕

遣中領軍到彥之征北將軍檀道濟討荊州刺史謝晦  
帝親率六師西征大赦丁卯以江州刺史王弘為司徒  
錄尚書事閏月丙戌皇子邵生二月戊午以金紫光祿  
大夫王敬弘為尚書左僕射豫章太守鄭鮮之為右僕  
射戊辰到彥之檀道濟大破謝晦於隱磯丙子車駕自  
蕪湖反旆己卯擒晦于延頭送都伏誅夏五月乙未以  
征北將軍南兖州刺史檀道濟為征南大將軍開府儀  
同三司江州刺史乙巳驃騎大將軍涼州牧涼王沮渠

蒙遜改為車騎大將軍詔大使巡行四方觀省風俗  
宋書載詔曰朕以寡薄猥纂洪緒雖永念治道志存  
昧旦願言傳巖發想宵寐而立園之秀藏器未臻物  
情民隱尚隔視聽乃眷區域輟寢忘食大使巡行四  
方其宰守稱職之良圭輩一介之秀許悉列奏若刑  
獄不恤政治乖謬者具以事聞其鰥寡幼孤六疾不  
能自存者可與郡縣優量賑給博採輿誦廣納佳謀  
務盡卹命之旨

丙午臨延賢堂聽訟自是每歲三訊秋旱蝗冬十二月  
前吳郡太守徐佩之謀反伏誅

宋書禮志曰是月甲寅西征謝晦告太廟太社晦平  
車駕旋軫又告

四年春正月乙亥朔曲赦建鄴百里內辛巳祀南郊二  
月乙卯行幸丹徒謁京陵三月丙子宴丹徒宮帝鄉父  
老咸與享焉蠲丹徒今年租布原五歲刑以下

宋書載詔曰丹徒桑梓綢繆大業伊始踐境永懷觸

感罔極昔漢章南巡加恩元氏況情義二三有兼襲  
日思播遺澤酬慰士民其蠲此邑今年租布五歲刑  
以下悉原遣之

丁亥車駕還宮戊子尚書右僕射鄭鮮之卒壬寅採富  
陽令諸葛闡議禁斷夏至日五絲命縷之屬夏五月都  
下疾疫遣使存問給醫藥死無家屬者賜以棺六月癸  
卯朔日有蝕之五年春正月乙亥詔以陰陽愆序求謹  
言甲申臨玄武館閱武戊子都下大火遣使巡慰賑恤

夏六月庚戌司徒王弘降為衛將軍開府儀同三司都  
下大水乙卯遣使檢行賑贍是歲魏神麌元年太武帝  
擒夏主赫連昌西秦王乞伏熾盤卒天竺遣使朝貢

六年春正月辛丑祀南郊癸丑以荊州刺史彭城王義  
康為司徒錄尚書事三月丁巳立皇子邵為皇太子戊  
午大赦賜文武位一等夏四月癸亥以尚書左僕射王  
敬弘為尚書令丹陽尹臨川王義慶為尚書左僕射吏  
部尚書江夷為右僕射五月壬辰朔日有蝕之冬十一

月己丑朔日有蝕之星晝見是歲百濟河南國西河王  
並遣使朝貢

七年春正月癸巳以吐谷渾慕瓚為征西將軍沙州刺  
史二月壬寅雪且雷三月戊子遣左將軍到彥之侵魏  
夏六月己卯封氏楊難當為武都王

宋書載秋七月戊子索齒礪礪戌棄城走戌戌滑臺  
戌棄城走

冬十月戊午立錢署鑄四銖錢戊寅魏克金墉城十一

月癸未又克虎牢壬辰遣征南大將軍檀道濟拒魏石  
將軍到彥之自滑臺奔退十二月都下火延燒于太社  
北墻吳興晉陵義興大水遣使巡行賑卹是歲燕主馮  
跋卒倭百濟呵羅單林邑呵羅他師子等國並遣使朝  
貢

八年春

宋書載正月丁酉征南大將軍檀道濟破索鹵于東  
壽張



二月辛酉魏克滑臺癸酉檀道濟引軍還自是河南復  
亡

宋書曰洛陽滑臺虎牢諸城為鹵所沒尹沖抗節不  
降投輦死沖天水異人追贈前將軍文帝與江夏王  
義恭書曰尹沖誠節志堅縱古烈為傷惋不能已  
又以滑臺戰守彌時遂至陷沒乃作詩曰逆鹵亂疆  
場邊將嬰寇仇堅城効貞節攻戰無暫休復藩不可  
捨離機難復收勢謝歸塗卑於馬見幽囚烈烈制邑

守舍命蹈前修忠臣表年暮貞柯見嚴秋楚莊投袂  
起終然報強讐去病辭高館卒獲舒國憂戎事諒未  
殄民患焉得瘡撫劍懷感激志氣若雲浮願想凌扶  
搖弭旆拂中州爪牙申威靈帷幄聘良籌華胥混殊  
風率土決王猶惆悵懼遷逝北顧淚交流

宋書索綽傳論曰武帝宏圖盛畧以包括宇宙為念  
速於懸旗清洛飲馬長涇北狄血銳挫鋒閉重嶮自  
固於時戎車外動王命相屬震冕委蛇輶軒繼路舊

老懷思古之情行人或為之出涕宮車甫晏我心外  
駭覆我牢滑剪我伊瀍是以文帝忿之開定司充而  
兵無勝算棄師隕衆荆吳銳卒逸氣未舒偏城孤將  
御寇就鹵遂戡境延寇僅保清東自是兵摧勢弱邊  
隙稍廣壯騎凌突鳴鏑日至芻牧年傷禾麥歲犯小  
則囚鹵吏民大則俘執長守羽書繼塗奔命相屬青  
徐兗冀之間蕭然矣

三月大雩夏六月乙丑大赦旱故又大雩閏六月

宋書載庾子詔曰頃農桑惰業遊食者衆一值水旱  
便有罄潰不深存務本豐給靡因郡守賦政方畿縣  
宰宜思獎訓咸導以良規咸令肆力地無遺利耕鑿  
樹執各盡其力若有力田殊衆歲竟條列名上

乙巳遣使省刑獄訟簡息徭役

九年春二月辛卯詔曰故太傅長沙景王故大司馬臨  
川烈武王故司徒南康文宣公穆之衛將軍華容公弘  
征南大將軍永修公道濟

愚按弘與道濟猶生已預定廟祀後道濟誅想又去之矣

故左將軍龍陽侯鎮惡或履道廣深執德冲邈或雅量高劭風鑒明或識準弘正才畧開邁咸文德以弘帝載武功以隆景業而太常未銘從祀闕享寤寐屬慮永言興懷便宜配祭廟庭勒功天府三月庚戌進衛將軍王弘為太保丁巳加江州刺史檀道濟為司空夏五月壬申新除太保王弘卒六月癸未置積射彊弩將軍官已

未以征西將軍沙州刺史吐谷渾慕瓚為征西大將軍  
西秦河二州刺史隴西王壬寅以撫軍將軍江夏王義  
恭為征北將軍開府儀同三司南兖州刺史秋七月庚  
午以領軍將軍殷景仁為尚書僕射冬十二月庚寅立  
皇子紹為廬陵王奉孝獻王祀江夏王義恭子朗為南  
豐王奉營陽王祀是歲河南國西河王遣使獻方物魏  
延和元年

十年春正月甲寅改封竟陵王義宣為南譙王己未大

赦

魏收魏書島夸傳曰延和六年二月詔遣散騎常侍  
宋宣使于義隆且為皇太子結婚

秋七月戊戌曲赦益梁秦三州冬十一月氏楊難當據  
有梁州是月北涼王沮渠蒙遜卒林邑閼婆娑州訶羅  
單國並遣使朝貢

十一年夏四月梁秦二州刺史蕭思話破氏梁州平五  
月丁卯曲赦梁南秦二州劔閣以北戊寅以沮渠茂虔

北史茂虔作牧健

為征西大將軍梁州刺史封西河王

宋書禮志曰是年詔皇太子出會升三恪上江左注  
在下故也

京師大水是歲林邑扶南訶羅單國並遣使朝貢  
十二年春正月辛酉大赦辛未祀南郊癸酉封馮弘為  
燕王夏四月丙辰詔內外舉士

宋書載詔曰朕寤寐樂賢為日也久而則哲難諳明



揚莫効用令遵才在野管庫虛朝永懷前載實深慙  
德便可宣敕內外各有薦舉當依方銓引以觀厥用  
都下地震六月禁酒丹陽淮南吳興義興大水都下  
乘船已酉以徐豫南兗三州會稽宣城二郡米穀百萬  
斛賜五郡遭水人八月乙亥原除遭水郡諸逋負九月  
蜀賊張尋為寇是歲師子國閼婆娑達扶南國並遣使  
朝貢魏太延元年

十三年春正月癸丑朔帝有疾不朝會三月己未以嫌

殺司空江州刺史檀道濟庚申大赦秋七月己未零陵  
王太妃殂追崇為晉皇后葬以晉禮九月癸丑立皇子  
濬為始興王駿為武陵王是歲北燕主馮弘奔高麗武  
都高麗等國並遣使朝貢

十四年春正月辛卯祀南郊大赦戊戌鳳凰二見于都  
下衆鳥隨之改其地曰鳳凰里

宋書符瑞志曰六月丙申有大鳥二集秣陵民王顯  
園李樹上大如孔雀首足小高羽毛鮮明有五色聲

音諧和衆鳥如山雞者隨之如行三十步頃東南飛去  
魏書島亭傳曰義隆遣其散騎常侍劉熙伯朝貢且論納幣六月女卒不果為婚

夏四月蜀賊張尋趙廣降遷之建鄴冬十二月辛酉初  
停賀雪河南河南西訶羅單國並遣使朝貢

十五年春正月以平東將軍吐谷渾慕延為鎮西將軍  
秦河二州刺史封隴西王秋七月辛未地震新作東宮  
是歲立儒學館于北郊命雷次宗居之武都河南高麗

倭扶南林邑等國並遣使朝貢

十六年春正月戊寅閱武于北郊庚寅進彭城王義康  
為大將軍領司徒以開府儀同三司江夏王義恭為司  
空夏六月己酉改封隴西王吐谷渾慕延為河南王秋  
八月庚子立皇子鐸為南平王閏月乙未鎮軍將軍豫  
州刺史長沙王義欣薨九月魏滅北涼王沮渠茂虔冬  
十二月乙亥皇太子冠大赦時帝好儒雅命丹陽尹何  
尚之立玄素學著作佐郎何承天立史學司徒叅軍謝

元立文學各聚門徒多就業者江左風俗於斯為美後  
言政化稱元嘉焉是歲河南林邑高麗等國並遣使朝  
貢

十七年夏四月戊午朔日有蝕之秋七月壬子皇后袁  
氏崩八月徐兗青冀四州大水遣使賑恤九月壬子葬  
袁皇后于長寧陵冬十月戊午前丹陽尹劉湛有罪伏  
誅大赦文武賜爵一級以大將軍領司徒錄尚書事彭  
城王義康為江州刺史大將軍如故甲戌以司空江夏

王義恭為司徒錄尚書事十一月尚書僕射揚州刺史殷景仁卒

冊府元龜載是月詔州郡估稅不得煩刻山澤之利不得禁斷役召之品無及稚弱咸依法令務盡優免十二月癸亥以光祿大夫王球為尚書僕射是歲武都河南百濟等國並遣使朝貢魏太平真君元年

十八年春三月庚子雨雹戊申置尚書刪定郎官夏五月壬午衛將軍南兗州刺史臨川王義慶征北將軍南

徐州刺史南譙王義宣並開府儀同三司甲申河水汎  
溢害居民六月戊辰遣使巡行賑贍冬十一月戊子尚  
書僕射王球卒己亥以丹陽尹孟顗為尚書僕射武楊  
難當寇漢川十二月晉寧太守繫松子舉兵反寧州刺  
史徐循討平之是歲河南肅特高麗蘇靡恭林邑等國  
並遣使朝貢

十九年

宋書載正月乙巳詔曰高祖受命憲章弘遠有詔典

司大興庠序而頻適止夸未及修建永瞻前猶思敷  
鴻烈令方隅入寧廣訓胄子實維時務便可式遵成  
規闡揚景業

夏四月甲戌帝以久疾愈始奉初祠大赦五月庚寅梁  
秦二州刺史劉真道龍驤將軍裴方明破楊難當仇池  
平閏月都下水遣使巡行賑恤六月以沮渠無諱為征  
西大將軍涼州刺史封西河王秋七月甲戌晦日有蝕  
之九月丙辰有客星在北斗因為彗入文昌貫五車埽



畢拂天節經天苑季冬乃減冬十二月丙申詔奉聖之  
膚速議承襲及令修廟四明饗祀并命蠲近墓五家供  
酒掃栽松柏六百株

宋書載詔曰胄子始集學業方興自微言泯絕述將  
千祀感事思人意有慨然奉聖之膚速議繼襲於先  
廟地特為營造依舊給祠令四時享祀闕里往經冠  
亂黉校殘毀并下魯郡修復學舍採召生徒昔之賢  
哲及一介之善猶或衛其丘隴禁其芻牧況尼父德

表生民功被百代而墳塋荒蕪荆棘勿剪可蠲墓側  
數戶以掌洒埽孔景行等五戶居近墓側蠲其課役  
供給洒埽并種松栢六百株

是歲柔然

愚按柔然改稱蠕蠕此魏太武帝所改何得施之南  
史今正之

河南扶南婆皇國並遣使朝貢

二十年春正月辛亥祀南郊二月甲申閱武於白下魏

克執池夏四月甲午立皇子誕為廣陵王秋七月癸丑  
以楊文德為征西將軍北秦州刺史封武都王冬十月  
雷十二月壬午置籍田

宋書載詔曰國以民為本民以食為天頃在所貧罄  
家無宿積歲或不稔病乏比室誠由畊桑未廣地利  
多遺永言弘濟明發載懷有司其班宣舊條務盡敦  
課遊食之徒咸令附業考核勤惰行其誅賞古者躬  
畊帝籍收供梁或可量處千畝考卜元辰朕當親率

百辟致禮郊甸庶幾誠素將被斯民

自去歲至是諸州郡水旱傷稼民大饑遣使開倉賑恤  
是歲河西高麗百濟倭國並遣使朝貢

二十一年春正月己亥南兗南豫州揚州之浙江  
西並禁酒戊午衛將軍臨川王義慶薨辛酉親耕籍田  
大赦二月己丑司徒錄尚書事江夏王義恭進位太尉  
領司徒辛卯立皇子宏為建平王

宋書載秋七月詔曰比年谷稼傷損淫亢成災由播

殖之宜尚有未盡南徐兗豫及揚州浙江西屬郡悉  
督種變以助闕乏速運彭城下邳郡現種委刺史貸  
給徐豫土多稻田民間專務陸作可符二鎮履行舊  
陂相率修立并課墾闢使及來年凡諸州郡皆令盡  
勤地利勸導播殖蠶桑麻紵各盡其方不得奉行公  
文而已

秋八月戊辰以荊州刺史衡陽王義季為征北大將軍  
開府儀同三司南兗州刺史九月甲辰以沮渠安周為

征西將軍涼州刺史封河西王冬十月己亥命刺史郡  
守修東耕丙子雷且雷

二十二年春正月辛卯朔改用御史中丞何承天元嘉  
新歷二月甲戌立皇子禕為東海王昶為義陽王秋七  
月己未以尚書僕射孟顗為左僕射中護軍何尚之為  
右僕射九月己未開酒禁癸酉晏于武帳堂帝將行敕  
諸子且勿食至會所賜饌日盱食不至有饑色帝誡之  
曰汝曹少長豐佚不見百姓艱難今使爾識有饑苦知

以節儉期物冬十二月乙未太子詹事范曄謀反及黨  
與皆伏誅丁酉免大將軍彭城王義康為庶人絕屬籍  
是冬浚淮起湖熟廢田千餘頃

二十三年夏四月丁未大赦六月癸未朔日有蝕之交  
州刺史檀和之伐林邑國克之

宋書載九月己卯車駕幸國子學策試諸生答問凡  
五十九人賜教授官帛各有差

是歲大有年築北堤立玄武湖於樂游苑北興景陽山

于華林園役重人怨

二十四年春正月甲戌大赦賜文武位一等

宋書載是月蠲建康秣陵縣今年田租之半

夏四月河濟俱清六月都下疫癘使巡省給鑿藥以貸  
貴制大錢一當兩秋八月乙未徐州刺史衡陽王義李  
晃冬十一月甲寅立皇子渾為汝陽王是歲徐兗青冀  
四州大水

宋書曰是歲索鹵破略太原又寇兗青冀三州遂及



青東殺略甚衆太祖思弘經畧詔羣臣曰吾少覽篇  
籍遊玄翫采未能息卷自纓紼世務區宇未一師饒  
代有永言斯瘼屬思之功與事而廢况殘虐遊魂齊  
民塗炭乃眷北顧無忘弘拯思總郡謀掃清逋逆感  
慨之來遂成短韻卿等體國情深亦當義篤其懷也  
詩曰季父鑒禍先辛生識幾始崇替非無徵興廢要  
以自昔淪中幾倏焉盈百祀不覩南雲陰但見胡風  
起亂極治必形塗炭由積否方欲滌遺氛矧乃穢邊

鄙眷言悼斯民納隍良在已逝將振宏羅一麾同文  
軌時乎豈再來河清難久俟駘駘安局步騏驎志千  
里梁傳畜義心伊相抱深耻賞契將誰寄要之二三  
子無命齊晉朝取愧鄒魯士

二十五年春閏二月

宋書載二月庚寅詔曰安不忘虞經世所同治兵教  
戰有國恒典故服訓明恥然後少長知禁頌我政雖  
修而號令未審令宣武塲始成便可剋日大習衆軍

當因校獵隸武講事

巳酉大蒐於宣武塲三月庚辰校獵夏四月乙巳新作  
閭闔廣莫二門改先廣莫門曰承明開陽曰津陽五月  
乙卯罷當兩大錢六月庚戌零陵王司馬元瑜薨丙寅  
加荊州刺史南燕王義宣位司空八月甲子立皇子彧  
為淮陽王九月辛未以尚書石僕射何尚之為左僕射  
冬青州城南遠望見地中如水有影謂之地鏡  
二十六年春正月辛巳祀南郊二月巳亥幸丹徒謁京

陵三月丁巳宴於丹徒宮大赦

宋書載詔曰朕違北京二十餘載雖云密邇瞻邇莫  
從今四表無塵時和歲稔復獲拜奉舊塋展罔極之  
恩饗譙故老申追遠之懷因以義兼桑梓情加過沛  
永言慷慨感慰實深宜聿宣仁惠覃被率土可大赦  
天下

復丹徒縣僑舊今歲租布之半行所經過蠲田租之半  
癸亥使祭晉故司空忠肅公何無忌墓

宋書載三月乙丑詔曰京口肇祥自古著符近代祿  
帶江山表裏華甸經塗四達利盡淮海城邑高明土  
風淳一邑總形勝實惟名都頃年岳牧遷回軍民徙  
散廬宇宇不逮往日皇基舊鄉地兼藩重宜令殷  
阜式崇刑望可募諸州樂移者數千家給以田宅并  
蠲復五月丙寅詔曰吾生於此城及盧循肆亂害流  
茲境先帝以桑梓根本寔同休戚復以蒙推猥同艱  
難情義繾綣存險難備舊物遺縱猶存心目歲月不

居述踰三紀時人故老與運零落眷惟既往倍深感  
歎可搜訪于時士庶文武今尚存者具以名聞人  
身已亡而子孫見在優量賜賚之

壬午至自丹徒冬十月庚子改封廣陵王誕為隨郡王  
癸卯彗星見于太微甲辰以揚州刺史始興王濬為征  
北將軍開府儀同三司徐兗二州刺史是歲婆皇婆達  
國並遣使朝貢二十七年春二月魏軍攻懸瓠

宋書索綯傳曰壽遣員外散騎侍郎王老壽乘驛就

文帝求黃甘帝餉甘十部甘蕉十挺并就求馬曰自  
頃歲成民阜春未當東巡吳會臨滄海探禹穴陟姑  
蘇之臺搜長洲之苑舟楫雖盛寡于良駟想能惠以  
逸足令及此行老壽未出境鹵兵深入乃錄還

以軍興減百官奉祿三分之一三月乙丑帝將謁侵魏  
淮南太守諸葛闡求減奉祿同內百官於是諸州郡縣  
丞尉並悉同減戊寅罷國子學秋七月庚午遣寧朔將  
軍王玄謨北侵 本史以北侵為非魏誤今正之

宋書索鹵傳曰時南師屢無功為鹵主燕所輕侮乃  
與太祖書曰前蓋吳反逆扇動關隴彼使人就誘之  
丈夫遺以弓矢婦人遺以環釧是曹正欲誦誑取賂  
豈有遠相服從之理為大丈夫何不自來取之而以  
貨誘我邊民募往者復除七年是賞姦也我今來至  
此土所得多少孰與彼前後得我民邪彼若欲存劉  
氏血食者當割江以北輸之攝守南渡如此當釋江  
南使彼居之不然可善教方鎮刺史守宰嚴供帳之



具來秋當往取揚州大勢已至終不相縱彼往日北  
通蠕蠕西結赫連沮渠吐谷渾東連馮弘高麗凡此  
數國我皆滅之以此而觀彼豈能獨立蠕蠕吳提菟  
賀真皆已死我今北征先除有足之寇彼若不從命  
來秋當往復取之以彼無足故不先討耳我往之日  
彼作何計為掘塹自守為築垣自障我當顯然往取  
揚州不若彼翳行竊步也彼來偵謀我已擒之復縱  
還其人目所盡見委曲善問之彼前使裴方明取仇

池既得之疾其勇功已不能容有臣如此尚殺之烏  
得與我較耶彼非我敵也彼常欲與我一交戰我亦  
不疑復非苻堅何時與彼交戰晝則遣騎圍遶夜則  
離彼百里外宿吳人止有所營伎彼募人以來不過  
行五十里天已明矣彼募人之首豈不不為我有哉  
彼公時舊臣雖老猶有智策知今已殺盡豈非天資  
我耶取彼亦不須我兵刃此有善呪婆羅門當使鬼  
縛以來耳又曰蕞爾太祖有北伐意又與書曰彼此

和好居民連接為日已久而彼無厭訪我邊民其有  
往者復之七年去春南巡因省我兵即使驅還自天  
地啟闢以來爭天下者非我二人而已今聞彼自來  
設能至中山及桑乾川隨意而行來亦不迎去亦不  
送若厭其區宇者可來平城居我往揚州住且可博  
其土地俗人謂接  
易為博彼之年蓋已五十矣未嘗出戶雖  
自力而來如三歲嬰兒復何如我鮮卑常馬背中領  
上生活更無餘物可以相與今送獵白鹿馬十二匹

并氈藥等物彼來馬力不足可乘之道里來遠或不  
服水土藥自可療

太尉江夏王義恭出次彭城總統諸軍

宋書載冬閏月癸亥玄謨攻滑臺不克為鹵所敗辛  
未雍州刺史隨王誕遣軍攻弘農城克之丙戌又克  
關城十一月甲午誕所遣軍又攻陝城克之癸卯左  
將軍劉康祖與鹵戰敗見殺

冬十一月丁未大赦十二月

金定日八  
宋書載戊午內外戒嚴乙丑冗從僕射胡崇之等於  
盱眙與鹵戰敗並見殺

庚午魏太武帝率大衆至瓜步伐常結筏聲欲渡江都  
下震懼荷擔而立壬午內外戒嚴緣江六七百里舳舻  
相接

宋書索綯傳曰文帝大具水軍為防禦備領軍將軍  
劉遵考與左將軍尹弘守橫江少府劉興祖守白下  
建威將軍黃門侍郎蕭元邕守裨洲羽林左監孟宗

嗣守新洲上建武將軍秦容守新洲下征北中兵參  
軍事向柳守貴洲司馬到元度守蒜山諮議參軍沈  
曇度守北固尚書褚湛之先行京陵仍守西津徐州  
從事史蕭尚之守練壁征北參軍管法祖守譙山徐  
州從事武仲河守博落尚書左丞劉伯龍守采石尋  
遷建武將軍淮南太守仍總守事遊邏上接於湖下  
至蔡洲陳艦列營周亘江畔自采石至旣陽六七百  
里船艦蓋江旗甲星燭皇太子出戍石頭城前將軍

徐湛之守石頭倉城都水使者樂詢尚書水部郎劉  
淵之並以裝治失旨付建康乘輿數幸石頭及莫府  
山觀望形勢購能斬佛狸首者封八十戶開國縣公  
賞布絹各萬匹金銀各百斤斬其子及弟偽相大軍  
主封四百戶開國縣侯布絹各賞五千匹自此以下  
各有差又募人齎治葛酒置空村中欲以毒鹵竟不  
能傷

始議北侵朝士多有不同至是帝登烽火樓極望不悅

謂江湛曰北伐之計同議者少今日士庶勞怨不得無  
慙貽大夫之憂在予過矣甲申使饋百牢於魏是歲百  
濟國遣使朝賁二十八年春正月丁亥以寇逼不朝會  
魏太武帝自瓜步退歸

宋書索鹵傳曰燾會于山上并及土人會竟掠民戶  
焚邑產而去鹵初緣江舉烽火尹弘曰六奔如此必  
走果走

俘廣陵居人萬餘家以北徐豫青冀二兗六州殺畧不



可勝算所過州郡赤地無餘

資治通鑑曰春燕歸巢於林木魏之士馬死傷過半

宋書索鹵傳曰佛狸

魏太武帝  
無小字

慕偽以來英國武畧

事駕前古西吞河石東舉龍碣總括戎荒衆力兼倍  
至乃連騎百萬南向而斥神華胡旆映江穹帳遵渚  
京邑荷檐士女喧惶天子內鎮郡心外御羣寇役竭  
民徭費殫府實舉天下攘之力猶未足也既而肉縱  
歸師殲累邦邑翦我淮州俘我江縣喋喋黔首跼高

天踏厚地而無所控告強者為轉屍弱者為擊鹵自  
江淮至清濟戶口數十萬自免湖澤者百不一馬村  
井空荒無復鳴雞吠犬時歲惟暮春桑麥始茂故老  
遺氓還號舊落桓山之響未足稱哀六州蕩然無復  
餘蔓殘構至於乳鷺赴時啣呢靡託一枝之間連窠  
十數春雨裁至增巢已傾雖事舛吳宮而殲亡匪異  
甚哉覆敗之至此也 宋書載癸亥命振理六州彫  
傷之民封屍掩骼賑贍饑流東作方始務盡勸課貸

給從原流寓江淮者並聽其即屬

二月甲戌降太尉領司徒江夏王義恭為驃騎將軍開  
府儀同三司壬午幸瓜步是日解嚴三月乙酉車駕還  
宮丙申拜初寧陵大旱巳卯彗星見於昴是月都下疾  
疫使巡省給醫藥五月乙酉亡命司馬順則自號齊王  
據梁鄒城戊申以尚書左僕射何尚之為尚書令太子  
詹事徐湛之為左僕射護軍將軍壬子彗星見太微中  
對帝坐秋七月甲辰進安東將軍倭王倭濟為安東大

將軍八月癸亥梁鄒平斬司馬順則是秋猛虎入郭內  
為災冬十月癸亥高麗國遣使朝貢十一月壬寅曲赦  
二兗徐豫青冀六州徙彭城流人於瓜步淮西流人於  
姑熟合萬許家是歲婆達婆皇河南高麗並遣使朝貢  
魏正平元年

二十九年春正月甲午詔經寇六州仍逢災滂可量加  
救贍二月

北史載甲寅魏中常侍宗愛弒太武帝

乙卯雷且雪戊午立皇子休仁為建安王三月壬午大風拔木都下火

宋書載五月詔曰虐鹵窮凶著於自昔未勞資斧已伏天誅子孫相殘親黨離二拯溺蕩穢今其會也可符驃騎司空二府各部分所統東西應接歸義建績者隨勞酬獎六月己酉遣撫軍將軍蕭思話率衆北伐尋敗退

秋七月壬辰改封汝陰王渾為武昌王淮陽王彧為湘

東王丁酉省大司農太子僕廷尉監官九月乙亥以平  
西將軍吐谷渾拾寅為安西將軍秦河二州刺史封河  
南王冬十一月壬寅揚州刺史廬陵王紹薨十二月戊  
辰黃霧四塞辛未以南兗州刺史江夏王義恭為大將  
軍南徐州刺史錄尚書如故是歲訶羅單國遣使朝貢  
魏文成帝興安元年

三十年春正月乙亥朔會郡臣於太極前殿有青黑氣  
從東南來覆映宮上戊寅以司空荊州刺史南譙王義

宣為司徒中軍將軍揚州刺史壬午以南徐州刺史始興王濬為衛將軍開府儀同三司荊州刺史戊子使江州刺史武陵王駿統衆軍伐西陽蠻二月甲子元凶劬入宮弒帝帝崩于合殿時年四十七諡景皇帝廟號中宗三月癸巳葬長寧陵孝武帝踐阼追改諡曰文皇帝廟號太祖帝聰明仁厚雅重文儒

冊府元龜曰帝博涉經史善隸書 裴子野家畧曰

上蘊藉文義思弘儒府建庠序於國都開四學於家

卷移蹕以從東帛以勸士莫不敦悅詩書沐浴以義  
斐然向方行修言道者登朝受職若威儀輕佻則財  
齒鄉閭公宮非傭羽不來庭私家非軒蓋不踰閭閻  
冕之流雍容如也

躬勤政事孜孜無怠加以在位日久惟簡靜為心政平  
訟理朝野悅睦

宋畧曰每上巡幸簫鼓聽聞百姓扶老携幼想望儀  
形愛之孜孜如日不足



江左之政所未有也又性存儉約不好奢侈車府令嘗以輦竿故請改易之又輦席舊以烏皮緣故欲代以紫皮帝以竹竿未至於壞紫色貴並不聽改其率素如此世祖孝武皇帝諱駿字休龍小字道民文帝第三子元嘉七年八月庚午夜生有光照室少機穎神明爽發讀書七行俱下才藻甚美雄決愛武長於騎射十二年立為武陵王

洽聞記云武陵洪水善德山崩兩石高丈餘精奇如

雕刻備古制式占者云武陵出天子其時八月帝始  
誕後宮十五年封武陵王三十年即位

二十二年累遷雍州刺史自晉江左以來襄陽未有皇  
子重鎮時文帝欲經畧關河故有此授及魏太武大舉  
至淮南時王鎮彭城魏使尚書李孝伯至王遣長史張  
暢與語而王改服觀之孝伯目王不輒及出謂人曰張  
侯側有人風骨視瞻非常士也二十八年為都督江州  
刺史時緣江蠻為寇文帝遣太子步兵校尉沈慶之等

伐之使王總統衆軍三十年正月出次西陽之五洲會  
元凶弑逆

宋書載劭以上為征南將軍加散騎常侍

王率衆入討

宋書載檄曰夫運不常隆代有殊災咸由昏虐兆亂  
理悖恩離未有以道御世教化明厚而當梟獍反噬  
難發天屬者也先帝聖德在位道洽無垠風之所被  
荒隅變識仁之所動木石開心而賊劭乘藉冢嫡風

蒙寵樹正位東朝禮絕羣后凶慢之情發於齟齬猜  
忍之心成於幾立賊濬險躁無行自幼而長交相倚  
附共逞奸回先旨以王室不造家難亟結故含蔽容  
隱不彰其釁訓誘啟告冀能革音何悟狂慝不悛同  
惡相濟肇亂誣蠱終行弑逆聖躬離荼毒之痛社稷  
有斯墜之哀四海崩心人神泣血生民以來未聞斯  
禍奉諱驚號肝腦塗地煩冤膈臆容身無所大將軍  
諸王幽閉窮省存亡未測徐僕射江尚書袁左率皆

當世標秀一時忠貞或正色立朝或聞逆弗順並橫  
分階聞懸首都市宗黨夸滅豈伊一姓禍毒所流未  
知其極昔周道告難齊晉勤王漢歷中圯虛年立節  
異姓未屬猶或忘軀况幕府職同昔人義兼臣子所  
以枕戈嘗胆志梟元兇無父之國天下無之羽檄既  
馳華夸響會况逆醜無親人鬼所背計其同惡不盈  
一旅崇極羣小是與比周哲人君子必加積忌傾海  
注蜚顏山壓卵商周之勢曾何足云諸君或奕世貞

賢或勲烈肺腑拘逼凶勢俛眉冠手含憤茹憾不可  
為心大軍近次威聲已接便宜因變立功洗雪渾累  
若事有不獲能背逆歸順亦其及也如有守迷遂往  
黨一凶類刑茲無赦戮及五宗賞罰之科信如日月  
原火一燎異物同灰幸求多福無貽後悔

荊州刺史南譙王義宣雍州刺史臧質並舉義兵三月  
乙未建牙于軍門是時多不悉舊儀有一翁斑白自稱  
少從武帝征伐頗悉其事因使指麾事畢忽失所在自

冬至春常東北風連陰不霽其日牙立後風轉而西南  
景色開霽有紫雲二蔭于牙上四月辛酉王次涇州丙  
寅次江寧丁卯大將軍江夏王義恭來奔奉表上尊號  
戊辰王至新亭己巳即皇帝位大赦改文帝號謚以大  
將軍江夏王義恭為大尉南徐州刺史庾午以荊州刺  
史南譙王義宣為中書監丞相揚州刺史並錄尚書六  
條事可安東將軍隨王誕為衛將軍荊州刺史加雍州  
刺史撤質車騎將軍並開府儀同三司以江州刺史撫

軍將軍蕭思話為尚書左僕射壬申以征鹵將軍王僧  
達為右僕射改新亭為中興亭夏五月乙亥輔國將軍  
朱修之克東府丙申克建鄴二山及同逆並伏誅庚辰  
詔分遣大使巡省方俗是日解嚴辛巳幸東府城甲申  
尊所生路淑媛為皇太后乙酉立妃王氏為皇后壬辰  
以太尉江夏王義恭為太傅領大司馬甲午謁初寧陵  
曲赦建鄴一百里內並蠲今年租稅戊戌以撫軍將軍  
南平王鐸為司空建平王宏為尚書左僕射六月丙午



車駕還宮初置殿門及上閤門屯兵庚午以丹陽尹褚湛之為尚書右僕射庚申詔有司論功班賞各有差辛酉安西將軍西秦河二州刺史吐谷渾拾寅進號鎮西大將軍開府儀同三司辛未改封南譙王義宣為南郡王隨王誕為竟陵王閏月丙子遣兼散騎常侍樂詢等十五人巡行風俗庚申加太傅江夏王義恭錄尚書事以荊州刺史竟陵王誕為侍中驃騎大將軍開府儀同三司揚州刺史甲申蠲尋陽西陽郡租布三年是月置

衛尉官秋七月辛丑朔日有蝕之辛酉詔崇儉約禁淫  
侈己巳畎司空南平王鐸以侍中南郡王世子恢為尚  
書石僕射

冊府元龜載八月詔武皇帝舊役軍身書在齋內人  
身猶存者並賜解戶

冬十月癸未聽訟於闕武堂十一月丙辰傳臺省衆官  
朔望問記十二月甲戌省都水使者官置水衡令官癸  
未以將置東宮省太子率更令步兵翊軍校尉旅賁中

郎將冗從僕射左右積弩將軍官中庶子中舍人庶子  
舍人洗馬各減舊員之半是歲高麗國遣使朝貢

孝建元年春正月己亥朔祀南郊大赦改元

宋書載戊申詔曰首食尚農經邦本務貢士察行寧  
朝當道凡諸親民之官可詳申舊條勸盡地利四方  
秀孝非才弗舉尚書百官之元本庶績之樞機丞郎  
列曹局司在在頃事無鉅細悉歸令僕非所以集衆  
材成構也可更明體制咸責厥成

壬戌更鑄四銖錢丙寅立皇子子業為皇太子賜天下  
為父後者爵一級是月起正光殿二月庚子豫州刺史  
魯爽車騎將軍江州刺史臧質丞相荊州刺史南郡王  
義宣兖州刺史徐道寶舉兵反壬午曲赦豫州二月癸  
亥內外戒嚴夏五月甲寅義宣等攻梁山左尉將軍王  
玄謨大破之己未解嚴癸亥以吳興太守劉延孫為尚  
書右僕射六月戊辰臧質走至武昌為人所斬傳首建  
鄴甲戌撫軍將軍柳元景進號撫軍大將軍及鎮北大

將軍沈慶之並開府儀同三司癸未罷南蠻校尉官戊子省錄尚書官庚寅義宣於江陵賜死秋七月丙申朔日有蝕之既丙辰大赦賜文武爵一級冬十月戊寅詔開建仲尼廟制同諸侯之禮詳擇夾壇厚給祭秩

宋書載詔曰仲尼經緯三極冠冕百王典司夫人用缺宗祀先朝有詔繕立事未克就國難頻深忠勇奮勵實憑聖義大教所敷無忘待旦可弘建廟制同諸侯禮詳擇夾壇厚給祭秩

十一月癸卯復置都水使者官始課南徐州僑人租是  
歲魏興光元年

二年春二月丙寅以南兖州刺史沈慶之為左光祿大  
夫開府儀同三司夏五月乙未焚惑入南斗戊戌以湘  
州刺史劉遵考為尚書右僕卿六月甲子以國哀除釋大  
赦秋七月癸巳立皇弟休祐為山陽王休茂為海陵  
王休業為鄱陽王八月庚申廢雍州刺史武昌王渾為  
庶人賜死



南史本書自殺今改從其實

辛酉三吳饑詔所在賑貸諸苑禁假興貧民九月丁亥  
閱武於宣武場冬十月壬午以揚州刺史竟陵王誕為  
司空南徐州刺史以尚書左僕射建平王宏為尚書令  
是歲婆皇河南樂樂斤陀利高麗國並遣使朝貢魏太  
安元年

三年春正月庚寅立皇弟休範為順陽郡王休若為巴  
陵郡王戊戌立皇子為尚為西郡王辛丑祀南郊以驃

陽尹褚湛之為尚書左僕射三月丁未尚書令建平王  
宏薨乙卯以田農要月命太官停殺牛夏四月甲申立  
皇子子綏為安陸王辛丑地震六月戊寅增置吏部尚  
書一人省五兵尚書官丁亥加左光祿大夫何尚之開  
府儀同三司秋八月丙戌中書令王僧達下獄死九月  
壬戌襄陽大水遣使巡行振恤庚午置武衛將軍武騎  
常侍官冬十二月己亥制諸王及妃主庶姓位從公者  
喪事聽設凶門餘悉斷



宋書載閏月庚子詔曰夫山處巖居不以魚鱉為禮  
頃違方設賦本濟一時而主者遂為常典杞梓瑤琨  
任土作貢積羽羣輕終致深弊凡裏衛貢職山淵採  
捕皆當詳辨產殖考順歲時庶簡約之風有符品性  
冊府元龜載是年詔曰先帝靈命初興龍飛西楚  
歲歲浸遠感往纏心奉迎文武情深長隸思弘殊澤  
以伸永懷吏身各賜爵一級軍戶免為平民

是歲河南高麗林邑等國並遣使朝貢

三年春正月己丑以領軍將軍柳元景為尚書令二月  
乙卯以揚州所統六郡為王畿以東揚州為揚州甲子  
復置廷尉監官

宋書載荊州飢原田租布各有差

夏四月乙卯司空南充州刺史竟陵王誕以嫌

南史本作有罪令改從其實

誕爵誕不受命據廣陵舉兵以沈慶之為車騎大將軍  
開府儀同三司南充州刺史討誕甲子帝親御六師駕

出頓宣武堂秋八月乙巳克廣陵城斬誕悉誅城內男  
丁以女口為軍賞是日解嚴辛未大赦丙子以丹陽尹  
劉秀之為尚書右僕射丙戌加南充州刺史沈慶之位  
司空九月

宋書載己巳詔曰夫訟情察訟魯師致捷市獄弗擾  
漢史飛聲廷尉遐通疑獄平決攸歸而一蹈幽國動  
逾時歲民嬰其困吏容其私自今囚至辭具並即以  
聞當親詳斷庶無留獄

壬辰立上林苑於玄武湖北甲午移南郊壇於牛頭山  
以正陽位冬十一月甲子立皇后蠶宮于西郊十二月  
辛酉置謁者僕射官是歲婆皇河西高麗肅慎等國各  
遣使朝貢西城獻僂馬

四年春正月辛未祀南郊乙亥親耕籍田大赦庚寅立  
皇子子勛為晉安王子房為尋陽王子頊為歷陽王子  
鸞為襄陽王三月甲申皇后親桑于西郊夏四月丙午  
詔四時供限詳減太半辛亥太宰江夏王義恭等表請

封岱宗詔不從辛酉詔以都下疾疫遣使存問并給醫藥其亡者隨宜賑恤

冊府元龜載四月詔曰昔戈衣御寓貶甘示節土簋臨人飭儉昭度朕綈帛之念無忘于懷四時供限可詳減大半庶裘絺順典有偃民華纂組傷功無竟塵市

五月丙戌尚書左僕射褚湛之卒秋七月甲戌光祿大夫開府儀同三司何尚之卒八月雍州大水甲寅遣加

賑恤九月丁亥改封襄陽王子鸞為新安王冬十月庚寅造新除司空沈慶之討緣江蠻十一月戊辰改細作署令為左右御府令丙戌復置大司農官十二月辛丑幸廷尉寺宥繫囚魏遣使通和丁未幸建康縣原放獄囚

佛藏曰是年廣州獻三角牛河南獻舞馬肅慎獻梏天

是歲宕昌倭國遣使朝貢魏和平元年

五年春正月戊午朔華雪降散為六出帝悅以為瑞二  
月癸巳閱武軍幢以下普加班賜多所原宥三月甲戌  
行幸江乘遣祭故太保王弘光祿大夫王曇首墓夏四  
癸巳改封西陽王子尚為豫章王丙申加尚書令柳元  
景左光祿大夫開府儀同三司

宋書載戊戌詔二年徐兗二州傷水逋租申至秋登  
宋書禮志載是月庚子詔曰太祖文皇內穆四門仁  
濟羣品外薄八荒咸懔殊俗南徂勁越西隨剛我裁

禮興稼穡之根張樂協四氣之紀匡飾墳序引無題  
之外旌延賓臣盡盛德之範訓深勸農政高刑厯動  
協天度下泐地德故精綿上靈動殖下瑞諸侯軌道  
河濶海夸朕仰憑洪烈入于萬姓皇天降祐迄將一  
紀思奉揚休德永播無窮便可詳考姬典經始明堂  
宗祀先靈式配上帝惟懷永遠感慕崩心

丙午雍州刺史海陵王休茂殺司馬庾深之舉兵反參  
軍尹玄慶起義斬之傳首建鄴五月起明堂於國學南



丙巳之地癸亥制帝室暮親官非祿官者月給錢十萬  
秋七月庚午曲赦雍州八月戊子立皇子子仁為永嘉  
王子真為始安王己丑詔以來歲修葺庠序旌延國胄  
唐寅制方鎮所假白板郡縣年限依臺除食祿三分之  
一不給送故衛將軍東海王禧以本號開府儀同三司  
九月甲寅日有蝕之丁卯行幸琅邪郡原遣囚繫庚午  
河濟清閏月丙申初立馳道自閭闔至于朱雀門又自  
承明門至於玄武湖壬寅改封歷陽王子頊為臨海王

冬十月甲寅以南徐州刺史劉延孫為尚書左僕射十  
二月壬申以領軍將軍劉遵考為尚書右僕射甲戌制  
天下民戶歲輸布四匹是歲高麗遣使朝貢

通鑑載是年也策孝秀于中堂揚州秀才顧法對策  
曰源清則流潔神聖則形全躬化易于上風體訓速  
于草偃上惡其諒投策於地

六年春正月辛卯祀南郊是日又宗祀文皇帝于明堂  
以配上帝大赦乙未置五官中郎將左右中郎將官二

月乙卯復百官祿三月庚寅立皇子子元為邵陵王壬寅以倭世子興為安東將軍倭國王夏四月庚申新作大航門五月丙戌置凌室于覆舟山修藏氷禮六月辛酉尚書左僕射劉延孫卒秋七月甲申地震有聲如雷兗州尤甚於是魯郡山搖者二乙未立皇子子雲為晉陵王八月乙丑置清臺令官九月制沙門致敬人主乙未以尚書右僕射劉遵考為左僕射以丹陽尹王僧朗為右僕射冬十月丁卯詔上林苑內士庶立墓欲還合

葬者勿禁十一月己卯陳留王曹虔秀薨辛巳以尚書  
令柳元景兼司空

七年春正月癸未詔尅日大閱水師於玄武湖并巡江  
右講武校獵丁亥以右衛將軍顏師伯為尚書左僕射  
二月甲寅車駕巡南豫南充二州丁巳校獵烏江己未  
登烏江縣六合山士戍大赦行幸所經無出今年租布  
賜民爵一級女子百戶牛酒郡守邑宰及民夫從蒐者  
普加霑賚又詔蠲厯陽郡租輸三年遣使巡慰問民疾

苦

宋書載詔曰朕弱年操制出牧阿維承政宣風荐厯  
年紀國步中阻治戎江甸難分情義實繫于懷今練  
蒐訓旅涉茲境閭故邑耆舊在目罕存年世未逮殲  
亡大半撫迹維事傾慨兼著孝文燕故晉陽洽恩光  
武流仁濟畿暘澤永言徃猶思廣前賚可蠲厯陽郡  
租輸三年遣使存慰問民疾苦鰥寡孤老六疾不能  
自存者厚賜粟帛高年加以羊酒凡一介之善隨才

銓貫前國名臣及府州佐吏量所沾錫人身已往旋  
及子孫

癸亥行幸尉氏觀溫泉壬申車駕至都拜二廟乃還宮  
夏四月甲子詔自今非臨軍戰陣一不得專殺其罪人  
重辟者皆依舊先上須報有司嚴加聽察犯者以殺人  
罪論五月丙子詔自今刺史守宰動入興軍皆須守詔  
施行惟邊隅外警及姦孽內發變起倉卒者不從此例  
秋七月乙亥進麗王高麗璉位車騎大將軍開府儀同

三司八月

宋書載八月丁巳詔曰昔匹婦含怨山焦北鄙孀妻  
哀慟臺傾東國良以誠之所動在微必著感之所震  
在厚必崩近道刑獄當親科省其王畿及神州所統  
可遣尚書與所在共訊畿外諸州委之刺史并訊省  
律令思存利民

乙丑立皇子子孟為淮南王子產為臨賀王車駕幸建  
康秣陵縣訊獄囚九月庚寅以南徐州刺史新安王子

鸞為兼司徒乙未幸廷尉訊獄囚丙申立皇子子嗣為  
東平王冬十月壬寅皇太子冠賜王公以下帛各有差  
戊申車駕巡南豫州奉太后以行

宋書曰賜百年及鰥寡孤老疾粟帛又以夏旱命開  
倉賑賜

癸丑行幸江寧縣訊獄囚加車騎將軍揚州刺史豫章  
王子尚開府儀同三司癸亥以開府儀同三司東海王  
禕為司空加中軍將軍義陽王昶開府儀同三司己巳



校獵于姑熟十一月丙子曲赦南豫州殊死以下巡幸  
所經詳減今歲田租乙酉詔祭晉大司馬桓溫征西將  
軍毛璩墓帝於行所訊潁陽永世丹陽縣囚癸巳祀梁  
山大閔水師於中江有白雀二集華蓋有司奏改元神  
雀詔不許乙未原放行獄徒繫浙江諸郡大旱十二月  
壬寅遣使開倉賑恤聽受雜物當租丙午行幸厯陽甲  
寅大赦賜厯陽女子百戶牛酒蠲郡租十年己未加太  
宰江夏王義恭尚書令立雙關放博望梁山癸未至自

歷陽是年柔然高麗等國並遣使朝貢

八年春正月辛巳祀南郊是日還宗祀文皇帝于明堂  
甲戌詔曰東境去歲不稔宜廣商貨遠近販鬻禾粟者  
可停道中雜稅其以仗自防悉勿禁

宋書載二月又命出倉米付建康秣陵二縣隨宜賑恤

夏閏五月壬寅以太宰江夏王義恭領太尉

宋書五行志曰大明末荊州武寧縣人楊始歡妻于

腹中生兒今猶存

庾申帝崩于玉燭殿時年三十五七月丙午葬丹陽秣陵縣巖山景寧陵帝末年為長夜之飲每旦寢興盥漱畢仍復命飲俄頃數斗憑几惛睡若大醉者或外有奏事便肅然整容無復酒色內外服其神明莫敢弛惰

前廢帝諱子業小字法師孝武帝長子元嘉二十六年正月甲申生孝武鎮尋陽帝留都下三十年孝武入伐元凶劬帝於侍中下省將加害者數矣卒得無恙及

孝武踐阼立為皇太子始末之東宮中庶子二率並入  
直永福省大明二年出東宮七年加元服八年閏五月  
庚午孝武崩其日太子即皇帝位大赦加驃騎大將軍  
柳元景尚書令甲子置錄尚書官以太宰江夏王義恭  
錄尚書事加驃騎大將軍柳元景開府儀同三司秋七  
月庚戌崇皇太后為太皇太后皇后曰皇太后乙卯罷  
南北二駝道改孝建以來所變制度還依元嘉丙辰追  
崇獻妃為獻皇后八月乙丑皇太后崩九月乙卯祔葬

文穆皇后於景寧陵冬十二月乙酉以尚書石僕射顏  
師伯為尚書僕射壬辰以王畿諸郡為揚州以揚州為  
東揚州癸巳加車騎將軍揚州刺史豫章王子尚位司  
徒去歲及是歲東諸郡大旱甚者米一斗數百都下亦  
至百餘餓死者十六七孝建以來又立錢署鑄錢百姓  
因此盜鑄錢轉偽小商貨不行是歲婆皇國遣使朝貢  
景和元年春正月乙未朔大赦改元永光乙巳省諸州  
臺傳二月乙丑減州郡縣田祿之半庚寅鑄二錢錢夏

五月魏文武帝殂秋八月庚午以尚書僕射顏師伯為  
左僕射吏部尚書王<sup>季文</sup>景為右僕射癸酉帝自率宿衛  
兵害太宰江夏王義恭尚書令柳元景左僕射顏師伯  
廷尉劉德願改元景和甲戌以司徒揚州刺史豫章王  
子尚領尚書令乙亥帝釋素服御錦衣以始興公沈慶  
之為太尉庶辰以石頭城為長樂宮東府城為未央宮  
甲申以壯郎為建章宮南第為長楊宮己丑復立南北  
二廡道九月癸巳幸湖熟奏鼓吹戌戌還宮帝自以為

金史卷一百一十五  
卷二  
昔在東宮不為孝武所愛及即位將掘景寧陵太史言  
不利于帝乃止乃縱糞於陵肆罵孝武為麒麟奴

資治通鑑曰帝令太廟別畫祖考像指武帝像曰渠  
大英雄生擒數天子指文帝像曰渠亦不惡但末年  
不免兒所去頭指孝武帝像曰渠大魑鼻如何不魑  
立召畫工魑之

又遣發殷貴嬪墓念其為孝武所寵初貴嬪薨武帝為  
造新安寺乃遣壞之又欲誅諸遠近僧尼辛丑免南徐

州刺史新安王子鸞為庶人賜死丁未加衛將軍湘東王或開府儀同三司己酉車駕討徐州刺史義陽王昶內外戒嚴昶奔魏

愚按宋之子若孫其幸延於齊篡後者僅一昶耳

戊午解嚴開百姓鑄錢冬十月癸亥曲赦徐州丁卯東陽太守王藻下獄死以文帝第十女新蔡公主為貴嬪夫人改姓謝氏以武賁劔戟鸞輅龍旗出警入蹕焉言公主薨空設喪事焉乙酉以豫州刺史山陽王休祐為



鎮軍大將軍開府儀同三司十一月壬辰新蔡公主駙  
馬何邁下獄死癸巳殺新除太尉沈慶之壬寅立皇后  
路氏四廂奏樂曲赦揚南徐二州丁未皇子生少府劉  
濤子也大赦賊汚淫盜悉皆原蕩賜為父後者爵一級  
壬子以護軍將軍建安王休仁為驃騎大將軍開府儀  
同三司戊午南平王敬猶廬陵王敬先安南侯敬深賜  
死時帝凶慄日甚誅殺相繼內外百官不保首領先是  
訛言湘中出天子帝將南巡荆湘厭之期旦誅除四叔

然後發引是夜相東王或興左右阮佃夫王道隆李道  
兒密結左右壽寂之姜唐之等十一人謀共廢帝先是  
帝好游華林園竹林堂使婦人裸身相逐有一婦人不  
從命斬之經少時夜夢游後堂有一女子罵曰帝恃逆  
不道明年不及熟矣帝起求得似所夢者一人于宮內  
戮之其夕復夢所戮女罵曰汝枉殺我已訴上帝至是  
巫覡言此堂有鬼帝與山陰公主及六宮綵女數百人  
隨群巫捕鬼屏除侍衛帝親自射之事畢將奏靡靡之

聲壽寂之懷刀直入姜產之為副諸姬迸逸廢帝亦走  
追及之大呼寂寂如此者三手不能舉乃見害于華光  
殿時年七十七太皇太后令奉相東王或纂承皇統

宋書載太后令曰子業少稟凶毒不仁不孝著自髫髻  
訖李武棄世屬當辰歷自梓宮在殯喜容覩然天罰  
重罹歡恣滋甚逼以內外維持忍虐未露而凶慘難  
抑一旦肆禍遂縱戮上宰殄害輔臣子鸞兄弟先帝  
鍾愛含怨既往枉加屠酷昶茂親作杆橫相徵討新

蔡公主逼離夫族幽置深宮詭云薨殞喪事輔爾喪  
禮頓釋昏酣長夜庶事傾遺朝賢舊勲棄若遺土管  
絃不輟珍羞備膳詈辱祖考以為戲謔行游莫止淫  
縱無度肆晏園陵規圖發掘誅剪無辜籍畧婦女建  
樹偽豎莫知誰息拜嬪立后慶過恒典宗室密戚遇  
若婢僕鞭撻凌曳無復尊卑南平一門特鍾其酷行  
穢禽獸罪盈三千高祖之業將泯七廟之享幾絕吾  
老疾沈篤每規禍鴆憂煎漏刻氣命無幾聞聞以降

所未嘗聞遠近思奮十室而九湘東主體自太祖文  
皇鍾愛吾早識神睿特兼常禮潛運宏規義士投袂  
獨夫既殞社稷再興人鬼屬心大命允集宜遵漢晉  
纂承皇極主者詳舊典以時奉行未亡人餘年不幸  
嬰此百艱永尋情事雖存若殞當復奈何當復奈何  
葬帝於丹陽秣陵縣南郊壇西帝蜂目鳥喙長頸銳下  
幼而狷急在東宮每為孝武責孝武西巡帝啟參承起  
居書迹不謹孝武詰讓之曰書不長進此是一條耳聞

汝比素業都懈弱戾日甚何以頑固乃爾初踐阼受璽綬傲然無哀容蔡興宗退而歎曰昔魯昭不威叔孫請死國家之禍其在此乎帝始猶難諸大臣及戴法興等既殺法興諸大臣莫不畏憚於是又誅群公元凱以下皆被毆捶牽曳內外危懼殿省騷然太后疾篤遣呼帝帝曰病人間多鬼可畏那可往太后怒語侍者曰將刀來破我腹那得生寧馨兒及太后崩後數日帝夢太后謂曰汝不仁不孝本無人君之相子尚愚悖亦非運祚

所及孝武險虐滅道怨結人神兒子雖多並無天命大  
命所歸應還文帝子故帝聚諸叔都下慮在外為患山  
陰公主淫恣過度謂帝曰妾與陛下雖男女有殊俱託  
體先帝陛下後宮數百妾惟駙馬一人事不均平一何  
至此帝乃為立面首左右三十人進爵會稽郡長公主  
秩同卿王湯沐邑二戶給鼓吹一部加班劍二十人帝  
每出公主與朝臣常共陪輦帝少好讀書頗識古事粗  
有文才自造孝武帝誄及雜篇章往往有辭采以魏武

有發丘中郎將摸金校尉乃置此二官以建安王休仁  
山陽王休祐領之其餘事迹分見諸列傳論曰文帝幼  
年恃秀自稟君德及正位南面厯年長久綱維備舉條  
禁明密罰有恒科爵無濫品故能內清外晏四海謐如  
宋書史臣曰昔漢氏東京常稱建武永平故事自茲  
厥後亦每言元嘉斯固盛矣

而授將遣師事乖分閭才謝光武遙制兵略至于攻戰  
日時咸聽成旨雖覆師喪旅將非韓白而延寇感境抑



此之由及至言泄衾枉難結凶賢雖禍生非慮蓋亦有  
以而然盡人命以自養蓋唯桀紂之行觀夫大明之世

其得盡人命乎雖周公之才之美亦當終之以亂由此  
篇之得也得也矣廢帝之事行者著于篇

主數殷紂之釁不能姪其萬一霍光書昌  
帝之過者足舉其毫也

假以中才之君有一於此足以致實況乎兼斯兼斯  
亡其可得乎

欽定四庫全書

南北史合注  
卷二

十九

南北史合注卷二